

العفاريات

شعر
أبو زيد بيومي أحمد

العلم والإيمان للنشر والتوزيع

المعلومات		
عنوان الكتاب - Title		الفهاريت
المؤلف - Author		أبو زيد بيومي أحمد
الطبعة - Edition		الأولى .
الناشر - Publisher		العلم والإيمان للنشر والتوزيع .
عنوان الناشر Address		كفر الشيخ - دسوق - شارع الشركات ميدان المحطة . تليفون : ٠٠٢٠٤٧٢٥٥٠٣٤١ فاكس : ٠٠٢٠٤٧٢٥٦٠٢٨١
بيانات الوصف المادي		عدد الصفحات Pag. ٨٨
مقياس النسخة Size ٢٤,٥ x ١٧,٥		التجليد --
الطبعة - Printer		الجلال .
عنوان المطبعة Address		العامرية إسكندرية.
اللغة الأصل		اللغة العربية .
رقم الإيداع		٢٠٠٨ / ٢١٠٢ م
الرقم الدولي I.S.B.N.		977- 308 -177 - X
تاريخ النشر - Date		2008

حقوق الطبع والتوزيع محفوظة

تحذير:

يحظر النشر أو النسخ أو التصوير أو الاقتباس بأي شكل
من الأشكال إلا بإذن وموافقة خطية من الناشر

الفهرس

م	الموضوع	الصفحة
١.	اشتعال	٥
٢.	إلا أنا	٧
٣.	الخليفة المنتظر	١٠
٤.	شجر اللبلاب	١٤
٥.	العواقي	٢٣
٦.	العسس	٢٧
٧.	العقاريت	٢٧
٨.	روح يتترنج على حبل الوريد	٣١
٩.	بالرغم من إنك حبيبي	٣٥
١٠.	زى كل العيال	٣٨
١١.	ليه تعلميني أموت	٤٢
١٢.	اوعى يا بنى تبقى شاعر	٤٥
١٣.	اختاري	٤٨
١٤.	عقلي اللي لابس مريلة	٤٩

تابع الفهرس

م	الموضوع	الصفحة
١٥	تجاعيد	٥١
١٦	للدنيا في الناس حركات	٥٤
١٧	شارعنا	٥٦
١٨	بروان	٥٧
١٩	يا هموم يا هموم	٥٨
٢٠	مغيش خلاص	٦٢
٢١	بنت الفرح	٦٤
٢٢	محفورة جوايا	٦٦
٢٣	سُدى	٦٨
٢٤	احضننى	٧٠
٢٥	هملك يا قلبى	٧٢
٢٦	تعريفات	٧٣
٢٧	من دفتر أحوال المحروسة	٧٧
٢٨	نقال	٨٢
٢٩	ماسكة زمامة رقتي	٨٦

اشتعال

غَيَّبَنِي فِيكَ
دَوَّبَنِي فِ كَاسِ الرُّوحِ الْمَدْلُوقِ عَلَي بَابِكَ
أَنْسَجِي دَمُوعَ
بِتَخَيُّطِ عِ السَّرِّ الْوَاقِفِ فِ زَحَامِ الدَّمِ
الْمَشْتَاتِ لِحِظَاتِ الضَّخِ
أَنْصِدِنِي فِخْ لِحِظَةِ قَلْبِ نَحَاوِرِ سَكَةِ لَغِيرِكَ
شَكَّلْنِي عَلَي كُلِّ حُرُوفِ الضَّمِّ إِلَيْكَ
أَجْعَلْنِي السَّرَّ الْمَسْرُورِ
بِتَخَفِّي الْعَيْنِ مِنْ وَرَاءِ جِدْرَانِ الْبَصِ
أَسْحَبْنِي سَحَابَةَ رُوحِ بَقْرُوحٍ وَتَرَشِ حَيَاةٍ
أَبْدِرْنِي دَقِيقَ فِ بَسَاطَةِ عَاشِقَيْنِ عِ الشُّوْكِ
مَشِينِي حَرِيرَ اللَّهْفَةِ عَلَيْهِ

العقاريت

اعتقني بحداً عنياً إيديني في سلاسل شوفك
سرسيني علياً خيوط للبكاً تتكر
يتعري تلج البعد يسبح من حر دخولي اليك

٧١ أنا

معذور مدرس فصلنا
لما ضربني بالعصايا
فوق ايديا اللينة
لما وقف يصرخ بصوته في العيال
قولوا ورايا بانتظام ..
"امي أبي"
كل العيال كانت تقول
"امي أبي ' إلا أنا
يرسم مدرس فصلنا
يرسم لنا ... حبة حروف
يصرخ يشاور للعيال ونا
"امي أبي"
برضه العيال كانت تقول

"أمي أبي" إلا أنا
شافني المدرس من بعيد
قوم يا ولد قوم يا بليد
متقولش ليه زى العيال ؟
واطاطى راسي
والعيال تضحك عليا كلهم
والكلمة فيا تنحبس ... وعنيا تتكلم بكا
بمسك مدرس فصلنا ... بمسك عصا
افتح لي إيدك يا ولد
تنزل عصايته بالعنا
فوق الايدين اللينة
أبكي وأقول
معذور مدرس فصلنا
معذور ميعرفش السبب

إن الحروف اللي كتبها للعيال
كل العيال كان عندهم نفس الحروف
إلا أنا ..

معذور مدرس فصلنا

معذور مدرس فصلنا

الخليفة المنتظر

الخليفة المنتظر
ف احتفال البيعة في اليوم الآخر
وجّه الشكر لرعيته ع الثقة
والجميل هيعود عليهم في السنين اللاحقة
ثم اعتذر...
عن عهد أسلافه الفجر
الديابة التعالب
الخوازيق المقلب
اللي ساقوا الشعب زي قطعان البقر
والخليفة المختلف
سالت دموعه واربتجف
ع الغلاية الضعفانين المحرومين المنحونين
...اللي داخوا الظلم في عهد السلف

والكلام أهودار ولف
والخليفة أشار بكف
قال هنضرب بايد حديد
ع العديد من مظاهر القرف
البطالة .. التلف
الغش في العيش ... العلف
الرشاوى ... البلاوى
الوساطة المحسوبية اللولبية
الرافعة رايات الرمم
اللي ماطين الذمم
واللي خالطين اللبن في الكاس بخمر
والماء بجمر
اللي ناطين الجبال
التعابين العتاولة

اللي واخدينها مقاوله
واللي جايدين للوطئ
كل أصفار المحاولة
اللي مالبين الرداوي بالرغاوى والصابون
واللي فاتحين الشاشات للعرى ... دلالة العيون
واللي ضاحكين ع الدقور
واللي عاصرين البشرى اللمون
واللي سارقين الجيوب بالخصخصة
واللي عاطلين الشعوب البع ض
من فتافيت الطعام
صرح الخليفة ... الهمام
هر أرداف الكلام
الالتزام ... الالتزام
فاضلة رقة للامام

والأمور تصبح تمام
والخليفة يهيل قوامه
ترتخي أعصاب كلامه
قال لشعبه ارتاحوا ... ناموا
انتقوني عصر السباحة والسباح
كل شيء سيكون متاح ... كل شيء سيكون متاح
بكرا شمسي عليكم تطلع ... بكرا هيمل الصباح
سقفة عالية م الحضور
اللي زعرت واللى صاح
خلص الخطبة خليفة ...
للم الأوراق وراح
والغلبة الضعفاء المحرومين المطحونين
فضلوا يستنوا الصباح
فى الصباح الشمس طلعت
والخليفة كلامه ساح

شجر اللباب

وف حوش الدار

شجرة لباب

ودكة عجوة بتتسند علي كتف الباب

علي قلب جدار مهدود ... الحيل

وخريطة راسمها علي وش الطوب

واخذه تضاريسه المشروخة ...

وبيسري ف عروقتها الدود

وعيال عنقود

بتتجمع علي غصن الدرس في كل صباح

ويملوا الحوش جري وتنطيط

م الباب للحيط ...

م الحيط للباب

أو يرووا شجر اللباب

• • • •

كنت أشاورع الخريطة للعيال
موال قديم
عن مراكب شمس سابحة ف موج هدد
عن سنين راحت ... بدد
عن حدود متبعثرة حبات رمال
وف عز شرحي للعيال ...
كانت تعدى أم الضفاير فى عنيا ... بابتسامه
تتكسر أغصان لسانى
يرتجف عودى ... يتفرط العنقود
• • • •
وتضمني الدكة العجوزة بالكتاب
صفحات ... أبيات
على صورة قلب لواء مجروح ... بسهم
وهم ف شال ملفوف على روس دراويش ...

إيد على خد بتستنى ف معاد كداب
شجر اللبلاب جنب الدكة
بيدب ضوافره فى الجدران
أقلب صفحات ... حكايات
عن بومة بتتعارك ويا غراب ... على فار
وحمار منها ... من كتر الضحك
عيل بريالة بيتلقاها ف نص رغيف ...
عقلي بياخذنى للبت بتاعتى ... أم خدود عناب
شجر اللبلاب عمال يزحف
وأقلب صفحات ... حواديت
وعبيط بيحلم طول الليل لكن ... بيموت
وبيوت بتف الناس ف وش الصبح
وعجينة زحمة بتبلعهم
وشوارع منصوبة ... صفين ... دكاكين ...

بتارين ...
لعب وتنطيط ... تفانين
على ساحر واقف فى الميادين
ويخفة إيديه
بيشكل م الواقفين حواليه ...
تعاين حيات وعقارب
والناس بحماس بتهيصلوا ...
فيمد إيديه علي البدل الواقفة والفساتين
ويطلع منها حيتان نماسيح
كان شمع الدهشة علي وش الواقفين بيسيح
يسخن عم الساحر
ويخلي الناس تشوف الناس كلاب
شجر اللباب عمال يزحف
والخريطة ع الجدار

بتسلم أغصانه حدودها
أغزل من ريقى أكفان لحلقى
لما ما كانش بيد لسانى أى جواب
شجر اللبلاب غطي الحيطه
بومة يأس تحوم علي وشي
قفلت كتابي ودفنت عنيا ف رمل النوم
* * * *

في اليوم التالي جات الشمس
كنست حبات عنقود العيال ع الحوش
وأحوش اللبلاب م الحيطه
وارسم من تاتي خريطة
مين يا عيال؟
مين يا عيال؟
مين يا؟

شجر اللبلاب كان غطاهم

واتغلغل في التجاريف

تتهز فروع القلب خريف

يتبعثر مني العنقود

* * * *

وعلي دكة عجوزة بتتسند علي كتف الباب

أرجع لكتابي

كان لسة الناس عاملين دوشة

حوالين الساحر في الصفحة

دوشتهم تتسرب رفة وتروح ع الحارة

كانت البت بتاعتي

بتبيع تفاحها لغيري

العوافي

العوافي

ع اللي متنكد وصافي

واللي حافي

نجيب له جزمة

عاملة أزمة

الكلاب جوة الشوارع والقوافي

العوافي

* * * *

زارف ليلة الليل قلوب

ماستنش فيها يادوب

الحقوني في ضلامها راح أدوب

برد فيها فين لحافي

العوافي

القمر يعترف نوره شمال يمين
كان بيحسبهم جميعاً طيبين
جه ف ليلة والهوا طير وشوشهم
واكتشف حلمه الخرافي
العوافي

• • • •

سيب دموعك ترتوى بورد الخدود
وامشي وسط الناس ووزع في الورود
لما فجأة البرد ييجي
تبقى وحدك اللي جواك قلب دافي
العوافي

• • • •

من زمان الشمس هالة
علي اللي جالها وعلي اللي ولي

واللي كان طمعان ف طلة
ولا عمرها كانت تجافي
العوافي

ياما تزرع يا بن ادم
ليه بتحصد وأنت نادم
ليه بتزرع شوك ف سكة
وأنت ماشي بقلب حافي
العوافي

العوافي ع اللي متنكد وصافي
واللي حافي نجيب له جزمة
عامله أزمة

الكلاب جوة الشوارع والقوافي
العوافي
العوافي

العسس

الليل في بلدنا
ف كل الشوارع والحواري
بيمشي على مهله
ولا حد أبداً من العسس مرة بيتجاهله
أمشي ورا الشوارع
كل الشوارع عسس
الليل نجومه عسس
البحر موجه عسس
أتوضا من نيلك
نيلك أصابه نجس
أهرب لفين
كل الشوارع عسس
حفلة لتكريم الشعب

لكنه مش معزوم
لأنه كان معزوم عليه
وكل واحد من الضيوف يختار على كيفه
والشعب متصنف صنوف
م السهل تقييفه حسب الطلب
نوع ينصلب
ونوع حناجر للهتاف
وضيف خفيف له ناس خفاف
لما يغنى يرقصوا
ونوع خفيف اليد بيهزف نخيلها
قلبيها نيلها
وف حجرهم ياخذوا الرطب
أما بقية الشعب دول يبقوا أراانب عسس
يحفروا فى الأرض سكة

يحفروا فى العرض سكة
يعملوا من دمي دكة ويقعدوا
كل نظرة بألف شكة
فجأة كل الشوارع عسس
بحر من العسس عسس
فرعون ماعدش البحر بيخونه
ماعدش البحر يوم يضحك عليه
موسى ضيعنا عصاه
أهرب لفين أعيش دفين المسألة ؟
ولا أسوق الشيطنة ع المهيلة
ولا أصيح وأشرب كاسين
ولا أصبح من دراويش الحسين
ولا أنام زى كلب الكهف وأصحابه اللي ناموا
ولا أصوم فى يوم ما يخلص صيامه

ولأ أسكت قلب عطشان دفته
والقلب فى الموت ينحبس
أهرب لفين كل الشوارع عسس
الليل نجومه عسس
البحر موجه عسس
أهرب لفين أهرب لفين

العقارب

السقف البوص
النازل من صدره حبال
ف آخرها لنضة
على صدر اللنضة عويل يبرضع غاز
ويبرقص رقصة مدبوح
وحيطان بتبوح بالطوب النى العريان
إلا من صورة لأبوه
كانت ضحكة صدره فى الصورة
أعلى من صرخة كل رصاص الخواجات
والثانيه لجده
الماضي بخله على كل سطور تراب الأرض
والزارع رجله فى الطين
فيه صورة مكانتش على حيلة الأوضة

العفاريت

متعلقة على حيطلة قديمة ف قلب الواد
الصورة للبت بتاعته
الحلم الجاي المتعلق بحبال القمر الدابية
والمربوطة برقبة بكرة
• • • •

والليل بيزغلل عين الواد
ويلون وش الطوب حواديت
سكينة نوم
قطعت شريان حواديت الواد النعسان
سال الدم على الفرشة
يطلع عفاريت أحلام
قصر زرع مية
وألف حورية رايعين جاينين
بكاسات

مليانة خمرة حرية
وسرير هزاز ف وسط جنبنة القصر
متمدد فوقه جسم الواد النعسان قلقان
يببص ف ساعته ومستنى
تحبى ف قلبه صرخة مولود
وف عن خروجه
سكينة صبح بتفصل راس المولود عن جسمه
ويسيل الدم
تتهز حيطان القصر تنجد
تهرب كل العفاريت
ويقوم الواد مفزوع
يلقى جنبه ع الفرشة
شوية طوب من حلم امبارح وشوية دم
وعنيه تتطوح سكرانة
تتمشى فوق كل حيطان الأوضة

البوص السقف

الللنضة الغاز

وعويلها جواها اتهد من الرقص ونام

صورة أبيه صدره ماعدش بيضحك فيها

جده فى الصورة الثانية

حاطط وشه فى الطين

برواز البيت بتاعته ف قلبه اتشرح

لسه الفرشة بتنزف دم وطوب

من يومها

والواد النعسان بطل يسمع حواديت

بطل حتى يقايل حلمه ف سكة نوم

ملحوظة : فى اليوم التالى وفى صدر الصفحة الأولى

كان مكتوب :

" تم القبض على العفريت الهارب المتسبب فى وفاة آلاف من

أولادنا النعسانين وجرى البحث عن العفاريات شركاه "

روح بتترنج على جبل الوريد

لما حدودي تدخل ف حدودك
بألقى الوقت يدوب ف شفاف الساعة
زى ما حنة سكر دابيت
جُوه شفاف طفل دا ساعات
وساعات البحر بيعصر كل هدمه ف حلقى
باشتاق لك
نفس الحلم المدبوح
على أول ناصية لأول طلعة فجر
نفس الروح اللي بتترنج
على جبل وريد مشدود بين قلبك
يتبعثر جوايا الطفل
ما بين اللهفة وبين الخوف ضمه
ضمي فيه الولد

اللى يخربش وش الحواديت ...
وينام
باهرب منك واستناكى
باستنى يجينى الليل
واغسل وشى بالعتمة
وأدوب فيها ملامحى
ولا أشوفك وانتى بتتساومى
عارفك هاتبيعى ... معذورة
هايحطوا فوق راسك ألف وليمة للغريان
مين هايفسر أحلامك غيرى
ونتوه ف الضلعة
والسكة بتخلع كل عنديها
وأمد صوابعى العميا وأحسس على تقاطيعك
بيكن أوصل ... ونتوه

ويسرعة صوابي بترجع ويزيد العما جواها
وتحسس على تقاطيعي بيكن ... وتتوه
تحت حيطان الليل
على ناصية حارة الخوف
أو تحت حراسة الزيف ... باكره مواعيدك
ماعدتش خايف ...
الحلم اللي مفرع في حشاكي ... ابني
الخوف اللي بيرضع من صدرك ...
الزيف اللي بيحبى على وشك ...
ماعدتش خايف
لحد آخر شهقة لأنفاس الانتظار
عارفة لما القسوة بتغرس سكينها ف لسانك
كل عيون العتمة تفتح جوايا
كل سنين اليتم بتغرس سنايلها اليابسة ف دمي

باححتاج لخضارك
باهرب منك ليكي ... نفس السجن بيتكرر
باشتاق لك
باشتاق ترجعلي ملامحي
وأعرف ان انتي اللي انا بادخل في حدودها ...
وأتوه

بالرغم من أنك حبيبتي

بالرغم من أنك حبيبتي
فجر بيسرح شعوره في مراية من شرايبي
حلم بيشاور يامة
طايرة من قلبي المتبل بالصباح
بالرغم من أنك حبيبتي
مقدرش أقولها لك بحبك بارتياح
والقدس فاردة حجرها المينى
هزى النخل المريمى
يتساقط الأولاد رطب
بطعم المر مغروسة ف ترابك سكوتى
احميني من موتك يموتى يا
حلم مكسور الشراع
مين اللى خلا سجدتك على تراب ترانيم الضياع

يا شهر يا رجي الملامح
يا واصل الضحكة ف جبين الحرم
بالدمعة ف القدس الشريف
يا جناح براق بملابس الإحرام
ترقرق على النهار النزيف
يا طه يا لضم سبحة الأنبياء في محرابك يا أقصى
يا مسجدي
مين اللي قاطع صابعت السبابة في لحظة تشهد
مش هاكمون كالصبح صافى
لما أقولها لك بحبك
والحزن غازل من دموعي عنكبوت
على غار العيون
ولا شاف القتلة دموعي
بالرغم من إن اليمام اللي بنى عشه صريع

والجين كان بينادي
يا أيها النمل اسكن شرايين الوطن
واحفر بيوتك في العيون والعظم
دبلانة أوراق الوطن
لما الخريف شالها على كفوفه
والشمس صاحبة بس ف عندها الغروب
والرمح ليل والقلب ناطق بالنزيف
السطر اللي مكتوب ع الجبين .. معدول
لكن الجبين مايل
واللون اللي ع الوش اتسح
مفضلش منه غير سواد
احنا الليلا دي في حداد
مقدرش أكون كالصبح صافى
لما أقولها لك بحبك

زى كل العيال

زى كل العيال أحفرلك فى الطريق

أمدلك ايدى

نمدى ايدك طبططة

ألعن وأشتم على اللى يحفرلك

وتانى أحفرلك أمد لك ايدى

نمدى ايدك طبططة

..... وألعن

* * *

أشخبط ع الحيطان اسمي

نمر تليفوني والعنوان

وأبعد بعيد وأستخبي

وأشوف الورد الأحمر

اللى فتح على خدود الخجل

* * *

أَلْعَبُ فِي الْمَطَرِ
وَأَمْلَأُ أَيْدِيَّ بِالتُّرَابِ وَالطِّينِ
وَلَا تَجِئِي مِنْ بَعِيدٍ
أَجْرِي عَلَيْكِ وَأَسْلَمُ وَأَمْسِكِ الْفَسْتَانَ
وَأَعْمَلْنِي مَشَّ شَايِفِ التُّرَابِ وَالطِّينِ
وَأَقُولُكَ اخْلَعِي كَسُوفَكَ مَعَ الْخُوفِ مَعَ الْ.....
وَأَنْزِلِي عَلَيَّ عَيُونِي رَمُوشِي الشَّفَافِينَ
وَأَعْمَلْنِي مَشَّ شَايِفِ قَمِيصِكَ الْيَمِينِ
أَخِرْ قَدَامَكَ عِرْقَ
تَقْدِي أَيْدِكَ
وَأَسْتَنْئِي الْمَطَرَ ثَانِيً
* * * * *
أَقَابِلُكَ صَدْفَةً فِي السَّكَّةِ
كُلَّ يَوْمٍ السَّاعَةَ تِسْعَةَ وَنَحْصَ

العفاريت

بقايلك صدفة ع السلم

بقايلك صدفة في الأتوبيس

بقايلك في المنام صدفة

أبعث لك الجوابات من تحت عقب الباب

جواباتي بتحبل رد في ايديكي

..... ولا بتولدش

• • • •

أطلع على المدنة

أذن الضهر العشا

والعشا في الضهر

وأشوفك وانتى بتصلى غلط

..... وأضحك

ليه لما أذن الأذان الصح

..... تصبى كافرة

• • • •

أخزَمَ عيون العروسة البلاستيك بناعتك
وأبكى مش شايف
قَدَى ايدك طبيلة
تشتري غيرها
من غير ما أخزَمَ عندها أبكى مش شايف
أكتب اسم على المية
..... تمسحه الموجة
أكتبه تانى تمسحه الموجة
زى كل العيال
باكُتَبَ ع السطور العدلة اسمك المعوج

ليه تعلميني أموت

ألف لون والطعم واحد
ألف لون والطعم مر
فاكرة يا أمي لما قلتي
امشي تحت الحيط وطاطي
مش مهم يقولوا واطي
مش مهم تبيع رخيص
من ساعتها سيوفى يا أمي راح نضرها
عشقت تعيش جوة دارها
واتهيات لما راودها الصدا
ألف لون والطعم أسود
طعم تفاح الشيطان
طعم الحيطان لما تشاور للخطاوى اثبتى
فاكرة يا أمي لما قلتي

بيع حصانك
والتمن هات بيه لجام
من ساعتها كل حاجة فيا سكتت
حتى قلبي لسانه تهته
عقارب الساعة ولدغة الانتظار
والاحتضار فارد شباكه ع المكان
ليه تعلميني أموت
وأنا لسه يذوب
باحسس على وش الميلاد
ليه ترضعيني خوف
ولما قلتي كون فارس
جيتيلي حصان من خوف
وسيف من خوف
مبقتش عارف

أنا ولا أنت مين فينا يكون الخوف
ألف لون والطعم باهت
تاهت الضحكة الشفايف
خوفنا خايف
م التشرد لما يبعد عن قلوبنا
فأكرة يا أمي
لما قلتي
امشي تحت الحيط وطاطي
مهما تعمل أنت
من ساعتها نخل ضهرى
مال بوشه ع التراب
أمد ايدي
لجل أفرد فيه سنيته اللي انحنت
وافتكريا يا أمي كلامك
وانحنى

أوعى يا بنى تبقى شاعر

شاعر قال ف يوم لابنه
أوعى يا بنى تبقى شاعر
ترسم بالحروف مدينة
فيها مليون ألف مينا
للمودة والسلام
بعد شوية تلقى حلمك
كان كلام جواه كلام

أوعى تطلع تبقى شاعر
تنده جوه الناس مشاعر
كل الناس تقول آمين
بعد ساعة
بعد ثانية

العقاريت

تلقى كل الناس يتسأل
المشاعر هي مين ؟
أوعى يا بنى تبقى شاعر
تعشق بالكلام صبية
لجلها تهوى المخاطر
يبقى ليك الصعب غية
تانى يوم ينسلك حبيبك
اللى قال يوم ليك غنيا

• • • •

أوعى يا بنى تبقى شاعر
تحبى جوانا اللى مات
خد علينا الموت خلاص
لوفى يوم دقنا الحياة
راح يعذبنا المات

• • • •

أوعى تطلع تبقى شاعر

ترمي ف عنين الغشاوة

تغل خيط الخوف أمان

أو تعلق يوم جبان

أو تحلى ف عين عدواة

سيبنا أموات زى ما احنا

أصل أحياناً بيبقى

جوه طعم الموت حلاوة

• • • •

أوعى يا بنى تبقى شاعر

تهز جوانا المشاعر

هزتك تُشرخ قلوبنا

تلقى كل الناس حطام

اختاري

قَالَهَا : ضَمِينِي

قَالَتْ : الشَّمْسُ الْبَعِيدَةُ بِتَغْزَلِ الْخِيطِ لِلنَّهَارِ

قَالَهَا : دَمِي أَغْزَلُهُ

جَلَابِيَّةٌ لِيَوْمِ رَفَافَتِنَا

رَغْمَ إِنِّي رَاحَ أَكُونُ فِيهِ الْقَتِيلُ

قَالَتْ : وَارْأَى لَيْلَتِهَا يَكُونُ فَرَحٌ وَأَنْتِ الْقَتِيلُ

مَغْيِشٌ بِدِيلٍ غَيْرِ دَمِكَ ؟

قَالَهَا : دَمِي مَكْتُوبٌ عَلَى جَبِينِهِ النَّزِيفِ

قَالَتْ : طَلِبْ وَأَنَا ؟

قَالَهَا : اخْتَارِي

إِمَّا رَفَافَتِكَ الْقَتِيلِ

أَوْ انْتِحَارِنَا أَنْتِي وَأَنَا يَوْمَ الصَّبَاحَةِ

يَوْمَ مَا اكْتَشَفَ أَنَّكَ

..... وَلَدْتِنِي سَفَاحَ

عقلي اللي لابس مريلة

مع إن عقلي كان ببليس مريلة
لكنى كنت أهوى الوقوف
من فوق جبال الأسئلة
أمى وأبويا وأخواتى الكبار
كانوا بيرووا عطش السؤال
إجابات عبيطة وعيلة
وكنت آخذ مصاصة الإجابات
و..... اشتنى غيرها
وف يوم ونا طالع فوق السطوح
شفت أخويا مع بنت الجيران
ف عشة الكتاكيت
بيغارلوا الإجابة العيلة
ويخلعوها المريلة

ويعلموها اللذة فين
أما أخويا الثاني
كان ييسرق من الزحام نفسه
ويدخل العشة
ويشرب سيجارته اللي مسجونة
وف يوم غافلتهم
ومشيت على همس الخطا
ودخلت أوضة أبويا اللي كان نايم
ومسكت عليه سجايره وخذت منها اثنين
وطلعت فوق السطح
ولأول مرة ف حياتي
أدخل العشة
ولعت واحدة م السجاير ليا أنا
أم السجارة الثانية ايتها للكناكيت

تجاعيد

تجاعيد جبين الأرض

تستنى المطر

ونا جبيني ينتظر تجاعيد

الفراق إيه بين لما نحلم والحياة

ف سجن الروح مسجون يا جسد

ويوم ما تفلت من بين ضلوعها

تدوب

والشمس تفلت من غروب

تحضن غروب

ولا عمره هايفيد الهروب

والوقت سرسب من بين كفوف الساعات

والليل كئيب الخطوة

والكل انتباه

دايت عيون الشمس ف عيون القمر
لا الشمس بتحب السهر
ولا هو ييشوف النهار
وانت قاعد ف انتظار
عايز تنادى ع اللى راح
وانت منزوع الشفايف ؟!
وازاى هاتحلم بالبراح
وانت ساكن قلب خايف ؟!
وازاى مش عايز تنوده
وانت ممسوح الملامح ؟
والزحام ف العقل جامح
مسكين
لما خفت تضيق ملامحك
شلتها ف قلب المراية

اتكسرت
واتبعرت كل الملامح
ويا حبات القراز
للم ملامحك
من وشوش الناس
نادى بشفايف غير شفايفك
امنح دفا رموشك
لعيون غير عيونك
افرد جناحك للمدى
إما تعيش صوت
أو تكون يدوب
..... صدى

للدنيا في الناس حركات

للدنيا في الناس حركات
بتحب الرقص على السلم
رقص السراب ف عنيك
ياللى بتلوي في دراع الأمل
وانت النهار مش ليك
الدنيا بترقص ع السلم
بتخلي عنيا تزغل
أتكعبل
وتشيلنى من غير ما تسمى
وتسيبنى مبعتر بين دمي ودمي
خيل الهزيمة شرب من نهر شرياني
لا فضت في أول شط ولا رحت للتانى
شايف النهار جاى من بعيد منها

مغروز في ضهره ألف سكينه غروب
الشمس بتخونك مع ألف ليل وهروب
ما هي لما تضحك لك في حضن ليل بتدوب
وانت متباع لمن
دم السنين أهو راح بلاش
القلب عاش مطرح ما عاش أهو راح
مكتوب عليك أحسن ما تلبس كفن
أعلى ما تسكن تراب
أجمل ما تحيا ممات
للدنيا في الناس حركات
للدنيا في الناس حركات

شارعنا

وشارعنا ماشى فى الضلعة بكوفية ليل
جنبيه أموره بتدلّع
وولد جنبيها بيولع قلبها دخان
آدم مع حوا فى شارعنا بيغرلوا تفاح
واحد لحسنين أما الثانية
للبيت صباح
يخرجوا م الجنة والحنة
كان حلم وراح
وعيال الشارع بالكورة
تحت اللمة
وعيال بتعيط مذعورة وعيال نمرة
وعيال فوانيس متاعيس لكن
قلبها شمعة
بتروح مدارسها وتستنى يوم الجمعة
ياه دى الليلة السبت

برواز

اطلع من برة البرواز
محتاجك تسمعني
متكونش مراية لحزني
متكونش أنا
اطلع من برة البرواز
وقف القزاز بيني وبينك
خايف أكسره
ولا القنيش جواك

يا هموم يا هموم

يا هموم يا هموم

بتنام وتقوم

على روس الناس

لابسه سلاسيل

خلاخيل

هلاليل

بتروح وتسيل

وتخط تشيل ف عقول

معقول العقل ما جيش ف سوق الناس

ولا حتى مداس ؟!!!!

يا هموم يا هموم

يا طريق مرسوم

ناحية بيتنا

ولا بيتنا حيطان
ولا حتى ببيان
ولا ليه عتبة
عتابة تقول للعيل قوم خطى العتبة
يا هموم يا هموم
وكلام مفهوم
لأمش مفهوم
ما تفز تقوم لأجل ما تفهم
الفهم أهو جاي
جاي مغماي
فتحت أنا بيه
ما تشوف يا نبيه
فك العقدة
والعقدة شريط

بيعدى عليه قطر يزمر
والقطر عبيط ساب السكة
يا هموم يا هموم
ونصيب مقسوم
واحد لاتنين
هابروح علي فين وسط المية
والمية الوف
قلبي الملهوف من غير دقة
والدقة شاكوش
بيهد عشوش
يا ضمير مغشوش منيوش معدوم
ياهموم يا هموم
يا طريق مرسوم
والرسمة كانت معوجة

ودتنا بعيد ... تاهت تهننا
بقيت مهنة ... ان احنا نتوه عن سكتنا
والسكة طريق ناحية بيتنا
ولا بيتنا حيطان
ولا حتي بيبان
ولا ليه عتبة
يا هموم يا هموم
يا هموم يا هموم

مفیش خلاص

الشمس تبدأ فی الغروب
لكن غروبها مش هروب
ونورها لسه فی القمر
ورق الخريف .. لا بد ويسيب الشجر
لكن نزوله مش خلاص
لأنه فيه بعده ورق ... أخضر جميل
يروح بيمل ... فوق الغروع
فروع ثابتة ... ومستحيل
فروع تتيل رغم الرياح
يومنا ليل .. وليه نهار
مش معنى ليل يعنى انبهار
لأن ليلنا فيه قمر
سهران ينور للسهر

تفضل حياتنا كالشجر

تدبل تروح بس المطر

يخلي غيرها يتولد

بنت الفرح

وبنت الفرح ف عيونك بتحبل من سفاح
والبنت اللي كانت تستنى المخاض
لما ولدت عنكبوت
عشش في أبعد حثة من قلبك القديم
حبل أعصابك بيلعب عليه بهلوان الانتظار
نقطة سواد الجبهة في وش التعمد
ولا احمرار الخد في وش الصدف ؟
انت جريئة
جراة البحر الملامس للعرايا والمايوهات القران
انت بريئة براءة الطفل
اللي خارج من شبابيك شهوتك يوم الميلاد
تهلك عيل عبيط بيتنطط بعفوية
في شوارعهم عنيتهم
اللي بتتحول فجأة لجنيئة حيوان

وساعتها أعرفك
خطوة لنجمة فرس في شهر ليل صحرا
ضحكة لرفة جناح الموج
ف جبين العجوز البحر
تقاطعيه هيا هيا
كل ما يضحك يشاورك بموجة
نفس الموج في لحظة غضب يغررك
متلونة بلون الفصول
وانتق شايبة كراستك بالنهار
وبالليل ترقصي لأى مغنواتي تحت شباكك
أو أى ناي
ببعزف لحن شهوتك النشار
وساعتها
أسأل حتى العيال اللى شايبتك جوا الشنط
حبر مدقوق ع الورق

محفورة جوايا

محفورة جوايا

محفورة في دمي

يا شمس أوعى تبعدى

لأ..... قربي ضمي

ضميني جواكي

ضميني في ضيك

نسيتي أحزاني

فارقني يا همي

• • • •

أد يا عروسة مزوقة

فوق في السما

والضى حواليكى

بينادى ونسعى

فكى ضفايرك للهوا
خليه يلاعبها
صفى ضمايرنا سوا
وانسى متاعها
دا القلب عاش سنين سنين
مسجون ومتغنى
وأنا لسه باندملك
ضمينى ضمينى
وفى ضيك احمينى
من قسوتي وظلمي
محفورة جوابا
محفورة فى دمي

لُذَى

متلونيش اللحظة بالحزن اللي كان
وأنا اللي قلبي طريق لقدمك النعسان
على الخطوة الحرير
باعرف مصيري وأجهله
بين خطوة تطوى صفحة م البعد اللي بينا
وبين جدار قلبي بيخربشه بالاشتبااق
يتسحب صوتك
من شباك يطل ع الحلم اللي جاي
على إبريق شمس بتصب في كأس قمر نني
فاكرة أول يمامة رفرقت بين عيني وعينك
كان الخجل صياد
سيّل دما نظرتي على خدودك

طرحت ورود المد والجزر في بحر الرموش

بين اختيار الحط في شط العيون

ويبين مركبة متلونة بلون المدى

بتقول محاولة وصولك يا ولد

هاتروح سدى

احضنني

احضنني بين عنيني
ريحي قلبي وروحي
خلى لسة من ايديكي
تيجي وتداوي جروحي
قلبي لف كتير ودار
كان بيشوفك أحلى دار
لما تاه بيه الطريق
وانتهى بيه المشوار
قال بجيلك ... ليه تروحي
كان غريب قلبي المسافر
كان غريق فى الموج بيعافر
يا سفينتى
يا مدينتى

الحقيني
ولو غرقت على نوحى
قولي إنك باقية ليا
خلى عمرك ليه بقية
كلمة منك تبقى موتى
كلمة منك هى روحى
ليه سكوتك
إيه سكوتك
معناه قسوتك ولا موتك
ريحي قلبي وقولي
ريحي قلبي وبوحي
احضنني بين عنيكى
احضنني بين عنيكى

همك يا قلبي

همك يا قلبي

طولهُ مية سكة سفر

تبكي وتشكي

فين وفين

فين الغر

مكتوب عليك

السطر تمثيه لو خطر

البال هموم

والفرح عمره ما خطر

تعريفات

البرد

البرد مش بس رعشة وتكتكة
البرد إنك ماتلقيش جنك حبيب
فى لحظة مشتكى

الحر

نظرة باشتعال الشمس
من عين الحبيب
زحمة قلوب صحرا
ولسانك ورقة شجر
أصفر من اللون اللى راسم خطوته
فى شوارع المرجوف
وشرايين الغريب

تصرخ غريق

ولا واحد يجيب

الجبن

قلب زى الكلب

ينفض فروته بعد النزول فى المي

هرويك زى أصحابك الخرفان

من بعد قوله حى

الموت

ايد بتمسك دوا تبخل على عيان

توب خيوطه هوا

بيلبسه عريان

قلبي فى الحق يدق ع الفاضى

ولما شرينده

بيدق فى المليون

الدنيا

مدرسة

مليانة بنى آدمين

ناس بتكتب بالفصيح

وناس م الشمال إلى اليمين

وناس بتكتب

على سطر الحياة ساعة

ويتفوت سنين

لكن من بين البشر

مين انت

انت مين

الفشل

جرح ريقه كالحجر

ترويه دوا مانفعش

ورد بتزرعه فى الناس

العقاريت

لكن للأسف ميافعش
خير يرفرف ع القلوب
لكن لآخر اليوم
مبيلتقيش ولا عش

الخيانة

توب يدهولك أخ
يهديهولك بابتسامه
وف كل فتلة فخ

الأرض

حق من غير زور
تديها بذرة ضحى
تطرح شجرتك نور
ولو بنرتك يأسك
الطلع شوك أو نور

من دفتر أحوال المحروسة

انتبهات

ناس لعب
مترصين ع المكاتب
والقهاوى وف سراديب التعب
ثابتين ولو يتحركوا
لأنهم متحركين حسب الطلب

النطاح

إله قديم
" مازال يعبد حالياً "
مالوش معابد أو مقر
بيعبده اللي غلا والمحتقر
بقرون رشوى أو وساطة

في بساطة.....

ينطحك..... تعلا في سما

أو ينطحك تهوى ف حفر

تناحة

' مصدر للفعل تنح '

وهي حالة شعب

نايم في العسل

راكن برأسه ومنتظر.....

أى عفريت يركبه

ويركبه..... حصان مجنح

حمام

جنس موصوف بالغلابة

أفراده طول الدهر

حمالة أسية

دلوقتى حمالة دياية

دم

حاجة زى المية ماشية فى العروق

سائل ممكن يتشرب

لو نحمى يوم المعركة يتحول بخار

أو من عروقك يتسحب

أما ف ميادين الهياة والقيافة

والرسم والنروزة

الدم يبقى للركب

ذل

أحلي أنواع العصير

أذ أنواع الدما

مستخلصات الاستكانه والمهانة

"يقال عند شربه"

في صحتك

" يا أيها الباشا الكبير "

رضا

مصدر قبول الصفع

على أم القفا

عدم العيوس لما تدوس

فوقنا الجزم

واللى رافض يبقى إيمانه

بالمساواة انتفى

سجن

لسان ملفوف ع الحنجرة

تعبان يبيع ترياق السكات

عيون تشوف نعلبنا فات

لكنها متحجرة

لوح

وصف يتقال للخشب
بعد التعرض للمكن
وصف المشارك في سفينة
لجل تعويم الوطن

عقد

ورقة وفاة
متجّهة لحضرتك
حيث لما تتولد
تديها بس امضتك

ميرى

قطر بيدوس ع اللى فيه
ملهوش معاد
مطرح ما يجى اركبه
ما أعجبه

فيه أولى لكن أولى إيه

فيه تانية تالطة

وعاشرة فيه

الكل ينزل منه

وينفخ السؤال

ركبوا امتى

ونزلوا.....ليه ؟!

الشعر

بحر من الهموم

ورا لفنة العيش

انغطس وعموم

مش مهم تقب تانى

المهم ان الوطن هو اللى يحيا

المهم ان الوطن هو اللى يدوم

تمثال

تمثالك المنصوب في القلعة هناك

اتشرخ

سقطت منه ملامحك

..... عنيك ودنك

حتى هدومك المنحوتة بايد فنان

يعوامل تعرية وقعت منك

وانشال برونز اللون من وشك

يتكسر أسمنت ضلوعك

تظهر اسياخ الصلب

ف قلبك ودماعك

اسنانك وصوابك

والغصن ف ايديك

تفتت رملة أوراقه

تفضل مئة عصابةك
مرفوعة من فوق القلعة
فوش مدينتك
والقاعدة الجبس ...
الدايس بالجزمه الاسمنت عليها
ملّيت .. ملّقت
وانت مُصرّ
ترمّم مثالك
وتجنّد لوتك
وتعلم تحتك جبس القاعدة
وتبرّز فيها أسياخك ... ثاني
والقاعدة تتشرخ منك
... تتكسر ... تتفتت
وانت بتدهس فيها ... باسمنت الجزمه

وايد تماالك
مرفوعة بعصيانك
ترفع ايد تماالك بعصيانك
من فوق القلعة... هناك
ومدينتك.....
بتوطلي بناسها قدامك
تخلطهم علي طين الرهبة
وتشكّل أجساد بتركع
وتدخلهم قرن ولاءك
يصبح كل الناس ف مدينتك
.....زيك تماثيل
زيك مشروخة

ماسكة زمارة رقبتني

(بلادي...بلادي

لك حي وفؤادي)

أما أنا ابقى اشطلي من سطر أحبابك

مغيش عليًا وفا ولا دفنتي تراك

أنا اللي عضي اتيرا

دهسوه ف أعتابك

ليته ملح ف عيش

قدمته لولادي

(بلادي...بلادي

لك حي وفؤادي)

(انت يا أم البلاد)

أما أنا من دون ولاد الكون

مليش ما بينهم أم
سحبوا شفاف خطوتي
من فوق يراز أرضها
يطلع نجيلي ع المصارف والترع
حشوني باسم الحضارة
باسم التقى والورع
تطلع علامة صلاتهم على جبين إلحادي
(بلادي ...بلادي

لك حي وفؤادي)

(انت غايي والمراد)
أما أنا فمرادي لقمة عيش
وطعني ستره
أنا اللي طول الليل

بافتل حبال بكرة
لغوها حواليا
شدوني بالسخرة
صحت حبال الحلم
سوط ماسكه جلادي
(بلادي بلادي)

لك حي وفؤادي (

.....

(كم لنيلك من أيادي ماسكة زمامة رقتي
كانمة صرخة يوم ميلادي
ساحبة روجي من كرامتي
حارمة أهلي من حناني
(بلادي ... بلادي)
لك حي وفؤادي (